

四庫全書

集部

欽定四庫全書

御定全唐詩卷五十一

宋之問

宋之問一名少連字延清虢州弘農人弱冠知名初徵
令與楊炯分直內教俄授雒州參軍累轉尚方監丞預
修三教珠英後坐附張易之左遷瀧州參軍武三思用
事起為鴻臚丞景龍中再轉考功員外郎時中宗增置
修文館學士之問與薛稷杜審言首膺其選轉越州長

史睿宗即位徙欽州尋賜死集十卷今編詩三卷

息夫人

可憐楚破息腸斷息夫人仍為泉下骨不作楚王嬪
楚王寵莫盛息君情更親情親怨生別一朝俱殺身

初到陸渾山莊

授衣感窮節策馬凌伊闕歸齊逸人趣日覺秋琴閑
寒露衰北阜夕陽破東山浩歌步一作榛樾棲鳥隨我還

夜飲東亭

春泉

水一作

鳴大壑皓月吐層岑岑壑景色佳慰我遠遊

心暗芳足幽氣驚棲

一作嘶

多衆音高興南山

一作女

曲長

謠橫素琴

芳樹

一作沈
佺期詩

何地早芳菲宛在長門殿天桃色若綬穠李光如練啼
鳥弄花疎遊蜂飲香遍歎息春風起飄零君不見

送趙六貞固

目斷南浦雲心醉東郊柳怨別此何時春

一作青

芳來已

久與君共時物盡此盈樽酒始願今不從春風戀攜手
題張老松樹

歲晚東巖下周顧何悽惻日落西山陰衆草起寒色中
有喬松樹使我長歎息百尺無寸枝一生自孤直

別之望後獨宿藍田山莊

鶻鷁有舊曲調苦不成歌自歎兄弟少常嗟離別多爾
尋北京路予卧南山阿泉晚更幽咽雲秋尚嵯峨藥欄
聽蟬噪書幌見禽過愁至願甘寢其如鄉夢何

浣紗篇贈陸上人

越女顏如花越王聞浣紗國微不自寵獻作吳宮娃山

藪半潛匿苧蘿更蒙遮一行霸句踐再笑一作頽傾夫差

艷色奪人目一作常人數嘖亦相誇一朝還舊都靚粧尋若

耶鳥驚入松網一作林鳥驚入松魚畏沈荷花一作網魚畏沈花始覺

冶容妾方悟羣一作君心邪一作斜欽子秉幽意世人共稱

嗟願言托君懷倘類蓬生麻家住雷門曲高閣凌飛霞

淋漓翠羽帳旖旎采一作綠雲車春風艷楚舞秋月纏一作

綿
胡茄自昔專嬌愛
襲玩唯矜奢
達本知空寂
棄彼猶
泥沙
永割偏執性
自長薰修芽
攜妾不障道
來一作願止

妾西家

雨從箕山來

雨從箕山來
倏與飄風度
晴明西峯日
綠縹南溪樹
此時客精廬
幸蒙真僧顧
深入清淨理
妙斷往來趣
意得兩契如
言盡共忘
喻觀花寂不
動聞鳥懸可
悟向夕聞
天香淹留不
能去

初至崖口

崖口衆山斷，竅峯聳天壁。氣衝落日紅，影入春潭碧。錦
繡織苔蘚，丹青畫松石。水禽泛容與，巖花飛的皪。微路
從此深，我來限于役。惆悵情未已，羣峰暗將夕。

自湘源至潭州衡山縣

浮湘沿迅湍，逗浦凝遠盼。漸見江勢濶，行嗟水流漫。赤
岸雜雲霞，綠竹緣溪澗。向背羣山轉，應接良景晏。沓障
連夜猿，平沙覆陽鴈。紛吾望闕客，一作容歸橈速已慣。中

道方泝洄遲念自茲換賴欣衡陽美持以蠲憂患

入崖口五渡寄李適

抱琴登絕壑伐木泝清川路極意謂盡勢回趣轉綿人
遠草木秀山深雲景鮮余負海嶠情自昔微尚然彌曠
十餘載今來宛仍前一作全未窺仙源極獨進野人船時

攀乳竇憩屨薄天窗眠夜弦響松月朝楫弄苔泉因冥
象外理永謝區中緣碧潭可遺老丹砂堪學仙莫使馳
光暮空令歸鶴憐

洞庭湖

地盡天水合朝及洞庭湖初日當中涌莫辨東西隅晶

耀目何在滢熒心欲無靈光晏海若游氣耿天吳

一作
樞

張樂軒皇至征苗夏禹徂楚臣悲落葉堯女泣蒼梧野
積九江潤山通五嶽圖風恬魚自躍雲夕鴈相呼獨此
臨泛漾浩將人代殊永言洗氛濁卒歲為清娛要使功
成退徒勞越大夫

景龍四年春祠海

肅事祠春溟宵齋洗蒙慮雞鳴見日出鷺下驚濤驚地
潤八荒近天回百川澍筵端接空曲目外唯霏霧暖氣
物象來周遊晦明互致牲匪玄享禋滌期靈煦的的波
際禽沄沄島間樹安期今何在方丈蔑尋路仙事與世
隔冥搜徒已屢四明背羣山遺老莫辨處撫中一作
內撫良
自慨弱齡忝恩遇三入文史林兩拜神仙署雖歎出關
遠始知臨海趣賞來空自多理勝孰能喻留楫竟何待
徙倚忽云暮

溫泉莊卧病寄楊七炯

移疾

一作多病

卧茲嶺寥寥幽獨賴有嵩丘山高枕長在

目茲山棲靈異朝夜翳雲族是日濛雨晴返景入巖谷

幕幕澗畔草青青山下木此意方無窮環顧悵林麓伊

洛何悠漫川原信重複夏餘鳥獸蕃秋禾黍熟秉願

守樊圃歸閑欣藝牧惜無載酒人徒把涼泉

一作潭

掬

荅田徵君

一作敬荅田徵君遊巖

家臨清溪水溪水繞盤石綠蘿四面垂裊裊百餘尺風

泉度絲管苔蘚鋪茵席傳聞潁陽人霞外漱靈液忽枉
巖中翰吟望一作朝復夕何當遂遠遊物色候逋客

自衡陽至韶州謁能禪師

謫居竄炎壑孤帆森不繫別家萬里餘流目三春際猿
啼山館曉虹飲江臯霽湘岸竹泉幽衡峯石困閉嶺嶂
窮攀越風濤極沿濟吾師在韶一作陽欣此得躬詣洗

慮賓空寂焚香結精誓願以有漏軀聿一作薰無生慧

物用益一作冲曠心源日閑細伊我獲此途遊道回一作

悔
晚計宗師信捨法擯落文史藝坐禪羅浮中尋異窮

一作海喬何辭禦魑魅自可乘炎癘回首望舊一作鄉

雲林浩虧蔽不作離別苦歸期多年歲

見南山夕陽召監師不至

夕陽黯晴碧山翠互明滅此中意無限要與閑士說徒
鬱仲舉思詎廻道林轍孤興欲待誰待此湖上月

遊法華寺

薄游京都日遙羨稽山名分刺江海郡朅來徵素情松

露洗心眷象筵敷念誠薄雲界青嶂皎日騫朱蔓苔澗

深不測竹房閑且清感真六象見垂兆二鷗一作鳴古

今信靈跡中州莫與京林嶽永棲業豈伊佐一作一生

浮悟雖已久事試去來成觀念幸相續庶幾最後明

宿雲門寺

雲門若邪裏泛鷗路纔通螢綠綠篠岸遂得青蓮宮天

香衆壑滿夜梵前山空漾漾潭際月颼颼一作杉上風

茲焉多嘉遯數子今莫同鳳歸慨處士鹿化聞仙公樵

路鄭州北舉

一作學

井阿巖東永夜豈云寐曙華忽葱蘢

谷鳥轉尚澀源桃驚未紅再來期春暮當造林端窮庶
幾蹤謝客開山投剡中

春湖古意

院梅發向尺園鳥復成曲落日遊南湖果擲顏如玉含
情不得語轉盼知所屬惆悵未可歸寧關須采

一作林菴

游陸渾南山自馭馬嶺到楓香林以詩代書荅

李舍人適

晨登歇馬嶺遙望伏牛山孤出羣峰首熊熊元氣間太

和亦崔嵬石扇

一作扉

橫閃條細岑互攢倚浮巘競奔蹙

白雲遙入懷青靄

一作雲

近可掬徒尋靈異跡

一作我從尋靈異

周顧愜心目晨拂鳥路行暮投人煙宿稔稻遠彌秀粟
芋秋新熟石髓非一巖藥苗乃萬族間闕踏雲雨繚繞
緣水木西見商山芝南到楚鄉竹楚竹幽且深半雜楓
香林浩歌清潭曲寄爾桃源心

早發大庾嶺

晨躋大庾險驛鞍馳復息霧露晝未開浩途不可測
起華夷界信為造化力馭鞍問徒旅鄉闕在西北出門
怨別家登嶺恨辭國自惟勗一作最忠孝斯罪惜所得皇

明頗照

昭一作

洗廷議日紛惑兄弟遠淪居妻子成異域

羽翮傷已毀童幼憐未識躊躇戀北顧亭午晞霽色春
煖陰梅花瘴回陽鳥翼含沙綠澗聚吻草依林植適蠻
悲疾首懷輦淚沾臆感謝鷓鴣驚朝勤修魑魅職生還倘
非遠誓擬酬恩德

自洪府舟行直書其事

仲春辭國門畏途橫萬里越淮乘楚嶂造江泛吳汜嚴
程無休隙日夜涉風水昔聞垂堂言將誠千金子問余
何竒剝遷竄極矣鄙揆已道德餘幼聞虛白肯貴身賤
外物抗跡遠塵軌朝遊伊水湄夕卧箕山趾妙年拙自
晦皎潔美文史謬辱紫泥書揮翰青雲裏事往每增傷
寵來常誓止銘骨懷報稱一作林逆鱗讓金紫安位覺潛
構退畊禍猶起棲巖實吾策觸藩誠內耻濟濟同時人

台庭鳴劍履愚

一作思

以卑自衛兀坐去沈滓迨茲理已

極竊位申知己羣議負宿心獲戾光華始黃金忽銷鑠

素業坐淪毀浩歎誣平生何獨戀粉梓浦樹浮鬱鬱臯

蘭覆靡靡百越去魂斷九疑望心死未盡匡阜遊遠欣

羅浮美周旋本師訓佩服無生

一作心

理異國多靈仙幽

探忘年紀

一作祀

敝廬嵩山下空谷茂蘭芷悠悠南溟遠

採掇長已矣

下桂江縣黎壁

放溜覲前淑連山分

紛一作

上干江回雲壁轉天小霧峯

攢乳沫跳急浪合流環峻灘欹離

雜一作

出漩劃繚繞避

渦盤舟子怯桂水最言斯路難吾生抱忠信吟嘯自安
閑旦別已千歲夜愁勞萬端企予見夜月委曲破林巒
潭曠竹煙盡洲香橘露團豈傲夙所好對之與俱歡思
君罷琴酌泣此夜漫漫

奉使嵩山途經緱嶺

侵星發洛城中歌吹聲畢景至緱嶺嶺上煙霞生草

樹饒野意山川多古情大隱德所薄歸來可退耕

傷王七秘書監寄呈揚州陸長史通簡府僚廣

陵以廣好事

一本無以廣四字

王氏貴先宗衡門棲道風傳

一作得

心晤有物秉化遊無

窮學與九流異機玄三語同書乃墨場絕文稱詞伯雄

白屋藩魏主蒼生期謝公一祇賢良詔遂謁承明宮補

衮望奚塞尊儒位未充罷官七門裏歸老一丘中嘗忝

長者轍微言私謂通我行會稽郡路出廣陵東物在人

已矣都疑淮海空

卷五十一

使至嵩山尋杜四不遇慨然復傷田洗馬韓觀
主因以題壁贈杜侯杜四

洛橋瞻太室期子在雲煙歸來不相見孤賞弄寒泉與
君濶松石于茲二十年田公謝昭世韓子秘幽堦憶昔
同攜手山樓接二賢笙歌入玄地詩酒坐寥天舊友悉
零落罷琴私自憐逝一作游者非藥誤餐霞意可全為余
理還策相與事靈仙

翫郡齋海榴

澤國韶氣早開簾延霽天野禽宵未轉山蜚畫仍眠目
茲海榴發列映巖楹前熠燿禦風靜葳蕤含景鮮清晨
綠堪佩亭午丹欲然昔忝金閨籍嘗見玉池蓮未若宗
族地更逢榮耀全南金雖自貴一作賀又作質賞詎能遷撫
躬萬里絕豈染一朝妍徒緣一作從祿滯遐郡常是惜流年
越俗鄙章甫捫心空自憐

長安路

一作沈
佺期詩

秦地平如掌層城出雲漢樓閣九衢春車馬千門旦綠柳開復合紅塵聚還散日晚鬪雞場經過狹斜看

折楊柳

一作沈
佺期詩

玉樹朝日映羅帳春風吹拭淚攀楊柳長條踈地垂白花飛歷亂黃鳥思參差妾自肝腸斷傍人那得知

有所思

一作沈
佺期詩

君子事行役再空芳歲期美人曠延佇萬里浮雲思園

桃

一作
槿

綻紅艷郊葉

一作
桑

柔綠滋坐看長夏晚秋月生

一作
羅帷

軍中人日登高贈房明府

幽郊昨夜陰風斷
頓覺朝來陽吹暖
涇水橋南柳欲黃
杜陵城北花應滿
長安昨夜寄春衣
短翮登茲一望歸
聞道凱旋乘傳入
看君走馬見芳菲

寒食還陸渾別業

洛陽城裏花如雪
陸渾山中今始發
旦別河橋楊柳風
夕卧伊川桃李月
伊川桃李正芳新
寒食山中酒復春

野老不知堯舜力，酣歌一曲太平人。

寒食江州滿

一作蒲

塘驛

去年上巳洛橋邊，今年寒食廬山曲。遥憐翠樹花應滿，復見吳洲草新綠。吳洲春草蘭杜芳，感物思歸懷故鄉。驛騎明朝宿何處，猿聲今夜斷君腸。

至端州驛見杜五審言沈三佺期閻五朝隱王
二無競題壁慨然成詠

逐臣北地成巖譴，謂到南中每相見。豈意南中岐路多。

千山萬水

一作千里萬里

分鄉縣雲搖雨散各翻飛海濶天長

音信稀處處山川同瘴癘自憐能得幾人歸

綠竹引

青溪綠潭潭水側修竹嬋娟同一色徒生僊實鳳不遊
老死空山人詎識妙年秉願逃俗紛歸卧嵩立弄白雲

含情傲睨

樂府詩無睨字

慰心目何可一日無此君

明河篇

紀事云武后時之問求為北門學士不許乃作此篇以見意后見之謂崔融曰

非不知之問有奇才但恨有口過耳之問終身耻之

八月涼風天氣晶

一作清

萬里無雲河漢明昏見南樓清

且淺曉落西山縱復橫洛陽城闕天中起長河夜半千

門裏複道連叢共蔽虧畫堂瓊戶特相宜雲母帳前初

泛濫水精簾外轉逶迤倬彼昭回如練白復出東城接

南陌南陌征人去不歸誰家今夜搥寒衣鴛鴦機上疎

螢度烏鵲橋邊一鴈飛鴈飛螢度愁難歇坐見明河漸

微沒已能舒卷任浮雲不惜光輝讓流月明河可望不

可親願得乘槎一問津更將織女支機石還訪成都賣

卜人

龍門應制

宿雨霽氛埃，流雲度城闕。
河堤柳新翠，苑樹花先發。
洛陽花柳此時濃，山水樓臺映幾重。
羣公拂霧朝翔鳳，天子乘春幸鑿龍。
鑿龍近出王城外，羽從琳琅擁軒蓋。
雲罕纔臨御水橋，天衣已入香山會。
山壁嶄巖斷復連，清流澄澈俯伊川。
鴈塔遙遙綠波上，星龕奕奕翠微邊。
層巒巒舊長千尋，木遠壑初飛百丈泉。
綵仗蚺虵一作虹旌逸香

閣下輦登高望河洛東城宮闕擬昭回南陌溝塍殊綺
錯林下天香七寶臺山中春酒萬年杯微風一起祥花
落仙樂初鳴瑞鳥來鳥來花落紛無已稱觴獻壽煙一作

香霞裏歌舞淹留景欲斜石闕一作猶駐五雲車鳥旗

翼翼留芳草龍騎駸駸映晚花千乘萬騎鑾輿出水靜

山空嚴警蹕郊外喧喧引看人傾都南望屬車塵囂聲

引颺聞黃道佳氣周廻一作入紫宸先王定鼎山河固

寶命乘周萬物新吾皇不事瑤池樂時雨來觀農扈春

紀事云武后遊龍門命羣官賦詩先成者賜以錦袍左
史東方虬詩成拜賜坐未安之間詩成文理兼美左右
稱善乃就奪
錦袍衣之

初宿淮口

孤舟汴河水去國情無已晚泊投楚鄉明月清淮裏汴
河東瀉路窮茲洛陽西顧日增悲夜聞楚歌思欲斷况
值淮南木落時

王子喬

王子喬愛神仙七月七日上賓天白虎搖瑟鳳吹笙乘

騎雲氣吸日精吸日精長不歸遺廟今在而人非空望
山頭草草露濕人衣

放白鷗篇

故人贈我綠綺琴兼致白鷗鳥琴是嶧山桐鳥出吳溪
中我心松石青霞裏美此幽絃不能已我心河海白雲
垂憐此珍禽空自知著書晚下麒麟閣幼稚驕癡候門
樂乃言物性不可違白鷗愁慕刷毛衣玉嶽閉匣留為
念六翮開籠任爾飛

桂州三月三日

一作桂陽
三日述懷

代業京華裏，遠投魑魅鄉。
登高望不極，雲海四茫茫。
伊昔承休盼，曾為人所羨。
兩朝賜顏色，二紀陪歡宴。
昆明御宿侍，龍媒伊闕天。
泉復幾回西，夏黃河水心。
劍東周清洛，羽觴杯苑中。
落花掃還合，河畔垂楊撥。
不開千春萬壽多，行樂栢梁和。
歌攀睿作賜，金分帛奉恩。
輝風舉雲搖，入紫微晨趨。
北闕鳴珂至，夜出南宮把燭歸。
載筆儒林多歲月，襟被文昌佐吳越。
越中山海高且深，興來

無處不登臨
永和九年刺海郡
暮春三月醉山陰
愚謂嬉遊長似昔
不言流寓歎成今
始安繁華舊風俗
帳飲傾城沸江曲
主人絳管清且悲
客子肝腸斷還續
荔浦蘅皋萬里餘
洛陽音信絕能疎
故園今日應愁思
曲水何能更祓除
逐伴誰憐合浦葉
思歸豈食桂江魚
不求漢使金囊贈
願得佳人錦字書

下山歌

下嵩山兮多所思
攜佳人兮步遲遲
松間明月長如此

君再遊兮復何時

冬宵引贈司馬承禎

河有冰兮山有雪北戶僅兮行人絕
獨坐山中兮對松月懷美人兮屢盈缺
明月的的寒潭中青松幽幽吟勁風
此情不向俗人說愛而不見恨無窮

高山引

攀雲窈窕兮上躋懸峰長路浩浩兮此去何從
水一曲兮腸一曲山一重兮悲一作愁一重
松檟邈已遠友于何

日逢况滿室兮童稚攢衆慮於心胷天高難訴兮遠負
明德却望咸京兮揮涕龍鍾

嵩山天門歌

登天門兮坐盤石之磷砢前澹澹兮未半下漠漠兮無
垠紛窈窕兮巖倚披以鵬翅洞膠葛兮峰稜層以龍鱗
松移岫轉左變而右易風生雲起出鬼而入神吾亦不
知其靈怪如此願遊杳冥兮見羽人重曰天門兮穹崇
回合兮攢藁松萬接兮柱日石千尋兮倚空晚陰兮足

風夕陽兮絕紅試一望兮奪魄况衆妙之無窮

有所思

一作劉希夷詩題
云代悲白頭翁

洛陽城東桃李花飛來飛去落誰家幽閨女兒惜顏色
坐見落花長歎息今年花落顏色改明年花開復誰在
已見松柏摧為薪更聞桑田變為海古人無復洛城東
今人還對落花風年年歲歲花相似歲歲年年人不同
寄言全盛紅顏子須憐半死白頭翁此翁白頭真可憐
伊昔紅顏美少年公子王孫芳樹下清歌妙舞落花前

光祿池臺交錦繡將軍樓閣畫神仙一朝卧病無相識
三春行樂在誰邊婉轉蛾眉能幾時須臾鶴髮亂如絲
但看古來歌舞地唯有黃昏鳥雀飛

御定全唐詩卷五十一

欽定四庫全書

御定全唐詩卷五十二

宋之問

奉和立春日侍宴內出剪綵花應制

金閣粧新

一作仙

杏瓊筵美綺梅人間都未識天上忽先

開蜨繞香絲住蜂憐艷粉

一作影艷

迴今年春色早應為剪

刀催

春日芙蓉園侍宴應制

芙蓉秦地沿盧橘漢家園谷轉斜盤徑川迴曲抱原風
來花自舞春入鳥能言侍宴瑤池夕歸途笳一作騎吹繁

夏日仙萼亭應制

高嶺逼星河乘興此日過野舍時雨潤山雜夏雲多睿
藻光巖穴宸襟洽薜蘿悠然小天下歸路滿笙歌

奉和九月九日登慈恩寺浮屠應制

鳳刹侵雲半虹旌倚日邊散花多寶塔張樂布金田時
菊芳仙醞秋蘭動睿篇香街稍欲晚清蹕扈歸天

奉和九日幸臨渭亭登高應制得歡字

令節三秋晚重陽九日歡
仙杯還泛菊寶饌且調蘭
御氣雲霄近乘高宇宙寬
今朝萬壽引宜向曲中彈

奉和聖製閏九月九日登莊嚴總持二寺閣

閏月再重陽仙輿歷寶坊
帝歌雲稍白御酒菊猶黃
風鐸喧行漏天花拂舞行
豫游多景福梵宇日生光

麟趾殿侍宴應制

北闕層城峻西宮複道懸
乘輿歷萬戶置酒望三川
花

柳含丹日山河入綺筵欲知陪賞處空外有飛煙

上陽宮侍宴應制得林字

一本題上有九月晦日四字

廣樂張前殿重裘感聖心砌奠霜月盡庭樹雪雲深
舊渥驂宸御慈恩忝翰林微臣一何幸再得聽瑤琴

幸少林寺應制

紺宇橫天室回鑾指帝休曙陰迎日盡春氣抱巖流
空樂繁行漏香煙薄綵旂玉膏從此泛仙馭接浮丘

幸嶽寺應制

暫幸珠筵地俱憐石瀨清泛流張翠幕拂水挂紅旌雅
曲龍調管芳樽蟻汎觥陪歡玉座晚復得聽金一作聲

扈從登封途中作

帳殿鬱崔嵬仙遊實壯哉曉雲連幕捲夜火雜星回谷
暗千旗出山鳴萬乘來扈從良可賦終乏揆天才

扈從登封告成頌

複道開行殿鉤陳列禁兵和風吹鼓角佳氣動旗旌後
騎迴天苑前山入御營萬方俱下拜相與樂昇平

松山嶺應制

翼翼高旌轉鏘鏘鳳輦飛塵銷清蹕路雲濕從臣衣白
羽搖丹壑天營一作宮逼翠微芳聲耀今古四海警宸威

緱山廟

王子賓仙去飄飄笙鶴飛徒聞滄海變不見白雲歸天
路何其遠人間此會稀空歌日云暮霜月漸微微

奉和梁王宴龍泓應教得微字

水府淪幽壑星軺下紫微鳥驚司僕馭花落侍臣衣芳

樹搖春晚晴雲繞座飛
淮王正留客不醉莫言歸

壽陽王花燭圖

一作沈
陰期詩

仙媛乘龍日

夕一作

天孫捧鴈來可憐桃李樹

一作

更繞

鳳皇臺燭照香車入花臨寶扇開
莫令銀箭

一作

漏一作曉為

盡合歡杯

江南曲

妾住越城南離居不自堪採花驚曙鳥
摘葉餒春蠶懶結茱萸帶愁安玳瑁
簪待君消瘦盡日暮碧江潭

牛女

一作沈
佺期詩

粉席秋期緩，鍼樓別怨多。
奔龍爭渡月，飛鵲亂填河。
失喜先臨鏡，含羞未解羅。
誰能留夜色，來夕倍還梭。

冬夜寓直麟閣

一作王
維詩

直事披三省，重關閉七門。
廣庭憐雪淨，深屋喜爐溫。
月幌花虛馥，風窗竹暗喧。
東山白雲意，茲夕寄琴尊。

登禪定寺閣

一作登總
持寺閣

梵宇出三天，登臨望八川。
開襟坐霄漢，揮手拂_{一作拍}雲

煙函谷青

一作春

山外昆池落日邊
東京楊柳陌少別已

幾一作經年

陸渾山莊

歸來物外情
負杖閱巖耕
源水看花入
幽林採藥行
野人相問姓
山鳥自呼名
去去獨吾樂
無然一作能愧此生

藍田山莊

宦遊非吏隱
心事好幽偏
考室先依地
為農且用天
輞川朝伐木
藍水暮澆田
獨與秦山老
相歡春酒前

春日山家

一作春
泉洗樂

今日遊何處
春泉洗藥歸
悠然紫芝曲
晝掩白雲扉
魚樂偏尋藻
人間屢采薇
丘中無俗事
身世兩相違

春日宴宋主薄山亭得寒字

公子正邀歡
林亭春未闌
攀巖踐苔易
迷路出花難
窗覆垂楊煖
堦侵瀑水寒
帝城歸路直
留興接鷓鴣

江亭晚望

浩渺浸雲根
煙嵐出遠村
鳥歸沙有跡
帆過浪無痕
望

水知柔性看山欲斷魂
縱情猶未已回馬欲黃昏

秋晚遊普耀寺

薄暮曲江頭仁祠暫可留
山形無隱霽野色徧呈秋
荷覆香泉密藤緣寶樹幽
平生厭塵事過一作此忽悠悠

答李司戶夔

遠方來下客輜軒攝一作使臣弄琴宜在夜
傾酒貴逢

春駟馬留孤館雙魚贈故人
明朝散雲一作雨遙仰德

為隣

寄天台司馬道士

卧來生白髮
覽鏡忽成絲
遠愧餐霞子
童顏且自持
舊遊惜疎曠
微尚日磷緇
不寄西山藥
何由東海期

使往天平軍馬約與陳子昂新鄉為期及還而不相遇

入衛期之子吁嗟不少留
情人去何處
淇水日悠悠
恒碣青雲斷
衡漳白露秋
知君心許國
不是愛封侯

過函谷關

二百四十載海內何紛紛六國兵同合七雄勢未分
成拒秦帝策決問蘇君雞鳴將狗盜論德不論勲

送朔方何侍郎

一作御

聞道雲中使乘驄往復還河兵守陽月塞虜失陰山
拜職嘗隨驃方回云漢有隨驃今騎候銘功不讓班旋聞受降日歌舞

入蕭關

送田道士使蜀投龍

風馭忽泠然雲臺路幾千蜀門峯勢斷巴字水形連人

隔壺中地龍遊洞裏天贈言回馭日圖畫彼山川

送許州宋司馬赴任

潁郡水東流荀陳兄弟遊偏傷茲日遠獨向聚星州河
潤在明德人康非外求當聞力為政遙慰我心愁

送趙司馬赴蜀州

餞子西南望煙綿劍道微橋寒金鴈落

並一作

林曙碧雞

飛職拜與方遠仙成履會歸定知和氏璧遙掩玉輪輝

送永昌蕭贊府

柳變曲江頭送君幽谷遊
弄琴寬別意酌醴醉春愁
戀本亦何極贈言微
所求莫令金谷水不入故園流

送李侍御

行李戀庭闈乘輶振綵衣
南登指吳服北走出秦畿
去國夏雲斷還鄉秋鴈飛
旋聞郡計入更有使臣歸

餞湖州薛司馬

別駕促嚴程離筵多故情
交深季作友義重伯為兄
鎮靜移吳俗風流在漢京
會看一作逢陳仲舉從此拜公卿

送杜審言

卧病人事絕，嗟君萬里行。
河橋不相送，江樹遠含情。
別路追孫楚，維舟弔屈平。
可惜龍泉劍，流落在豐城。

送武進鄭明府

弦歌試宰日，城闕賞心違。
北謝蒼龍去，南隨黃鵠飛。
夏雲海中出，吳山江上微。
吐謠一作歌，豈云遠從此，慶緇衣。

送姚侍御出使江東

帝憂河朔郡，南發海陵倉。
坐歎青春別，逶迤碧水長。
飲

水朝受命衣錦畫還鄉為問東山桂無人何自芳

留別之望舍弟

同氣有三人分飛在此晨西馳巴嶺徼東去洛

一作汝陽

濱強飲離前酒終傷別後神雖一作憐散花萼獨赴日

南春

漢江宴別

漢廣不分天舟移杳若仙秋

一作林

虹映晚日江鶴弄晴

煙積水浮冠蓋送風逐管弦嬉遊不可極留恨此山川

初發荆府贈長史

首聯 缺

仍隨五馬謫載與兩禽奔明

主無由見羣公莫與言幸君逢聖日何惜理虞翻

晚泊湘江

五嶺恓惶客三湘顛顛顏况復秋雨霽表裏見衡山路

逐鵬

一作江

南轉心依鴈北還唯餘望鄉淚更染竹成斑

過蠻洞

越嶺千重合蠻谿十里斜竹迷樵子徑萍匝釣人家林

暗交楓葉園香覆橘花誰憐在荒外孤賞足雲霞

經梧州

南國無霜霰連年見物華青林暗換葉紅藥續開花春
去聞山鳥秋來見海槎流芳雖可悅會自泣長沙

渡吳江別王長史

倚櫂望茲川銷魂獨黯然鄉連江北樹雲斷日南天
別龍初沒書成鴈不傳離舟意無限催渡復催年

泛鏡湖南溪

乘興入幽棲舟行日向低巖花候冬發谷鳥作春啼
峯開天小叢簧夾路迷猶聞可憐處更在若耶溪

途中寒食題黃梅臨江驛寄崔融

一作初到黃梅臨江驛

馬上逢寒食愁中屬暮春可憐江浦望不見洛陽人
北極懷明主南溟作逐臣故園腸斷處日夜柳條新

遊韶州廣界

一作果寺

影殿臨丹壑香臺隱翠霞巢飛銜象鳥砌躡雨空花寶
鐸搃初霽金池映晚沙莫愁歸路遠門外有三車

宿清遠峽山寺

香岫懸金刹飛泉屆

一作界

石門空山唯習靜中夜寂無

喧說法初聞鳥看心欲定猿寥寥隔塵市

一作事

何異武

陵源

題大庾嶺北驛

陽月南飛鳳傳聞至此回我行殊未已何日復歸來江
靜潮初落林昏瘴不開明朝望鄉處應見隴頭梅

度大庾嶺

金
卷五十二
度嶺方辭國，停軔一望家。
魂隨南翥鳥，淚盡北枝花。
山雨初含霽，江雲欲變霞。
但令歸有日，不敢恨長沙。

端州別袁侍郎

合浦途未極，端溪行暫臨。
淚來空泣臉，愁至不知心。
客醉山月靜，猿啼江樹深。
明朝共分手，之子愛千金。

過史正議宅

舊交此零落，雨泣訪遺塵。
劔几傳好事，池臺傷故人。
國香蘭已歇，里樹橘猶新。
不見吳中隱，空餘江海濱。

梁宣王挽詞三首

貴藩堯母族外戚漢家親業重興王際功高復辟辰
賢唯報國樂善不防身今日衣冠送空傷置醴人

金精何日閉玉匣此時開東望連吾子南瞻近帝臺
地
形龜食報墳土燕銜來可歎虞歌夕紛紛騎吹回

像設千年在平生萬事違綵旌翻葆吹圭鬋奠靈衣
日寒無影郊雲凍不飛君王留此地駟馬欲何歸

魯忠王挽詞三首

同盟會五月歸葬出三條日慘咸陽樹天寒渭水橋稍
看朱鷺轉尚識紫駟驕寂寂泉臺恨從茲罷玉簫

邦家錫寵光存沒貴忠良遂裂山河地追尊父子王人
悲槐里月馬踏槿原霜別向天京北悠悠此路長
樹羽迎朝日撞鐘望早霞故人悲宿草中使慘晨笳氣
有衝天劍星無犯斗槎唯餘孔公宅長接魯王家

范陽王挽詞二首

賢相稱邦傑清流舉代推公才掩諸夏文體變當時賓

弔翻成鶴人亡惜喻龜洛陽今紙貴猶寫太沖詞

贈秩

一作家

徽章洽求書秘草成客隨朝露盡人逐夜舟

驚蒿里衣冠送松門印綬迎誰知楊伯起今日重哀榮

故趙王屬贈黃門侍郎上官公挽詞二首

韋門旌舊德班氏業前書謫去因丞相歸來為僉仔周
原烏相冢越嶺鴈隨車冥漠辭昭代空憐賦子虛

綠車隨帝子青瑣翊宸機昔枉朝歌騎今虛夕拜闈柳
河悽挽曲薤露濕靈衣一厝窮泉閉雙鸞遂不飛

藥

有丹祕神仙君臣有禮焉忻當苦口喻不畏入腸偏扁
鵲功成日神農定品年丹成如可待雞犬自聞天

奉和九日登慈恩寺浮圖應制

瑞塔千尋起仙輿九日來莫房陳寶席菊藥散花臺御
氣鵬霄近升高鳳野開天歌將梵樂空裏共裴回

送沙門泓景道俊玄奘還荊州應制

三乘歸淨域萬騎餞通莊就日離亭近彌天別路長荆

南旋杖鉢渭北限津梁何日紆真果還來入帝鄉

春日芙蓉園侍宴應制

年光竹裏遍春色杏間遙煙氣籠青閣流文蕩畫橋飛
花隨蝶舞豔曲伴鶯嬌今日陪歡豫還疑陟紫霄

詠笛

羌笛寫龍聲長吟入夜清關山孤月下來向隴頭鳴
吹梅花落含春柳色驚行觀向子賦坐憶舊鄰情

詠鍾

既接南鄰磬還隨北里笙平陵通曙響長樂警宵聲秋
至含霜動春歸應律鳴豈惟恒待扣金籥有餘清

花落

一作沈佺期詩
題云梅花落

鐵騎幾時迴金閨怨早梅雪寒花已落風暖葉還開夕
逐新春管香迎小歲枯盛時何足貴書裏報輪臺

旅宿淮陽亭口號

日暮風亭上悠悠旅思多故鄉臨桂水今夜渺星河暗
草霜華發空亭鴈影過興來誰與語勞者自為歌

內題賦得巫山雨

一作沈佺期詩
題云巫山高

神女向高唐巫山下夕陽衰
回作行雨婉戀逐荆王
電影江前落雷聲峽外長
霽雲無處所臺館曉蒼蒼

王昭君

一作沈佺期詩

非君惜鸞殿非妾妬娥眉
薄命由驕虜無情是畫師
嫁來胡地日不竝漢宮時
辛苦無聊賴何堪馬上辭

銅雀臺

一作沈佺期詩

昔年分鼎地今日望陵臺
一旦雄圖盡千秋遺令開
綺

羅君不見歌舞宴空來
恩共漳河水東流無重回

巫山高

一作沈
佺期詩

巫山峯十二環合象

一作合
沓隱

昭回俯聽

一作
眺

琵琶峽平

看雲雨臺古槎天外落

一作
倚

瀑水日邊來何忍猿啼夜

荆王枕席開

望月有懷

一作康庭芝詩
一作沈佺期詩

天使下西樓含光萬里秋
臺前似挂鏡簾外如懸鉤
張尹將眉學班姬取扇儔
佳期應借問為報大刀頭

駕出長安

一作王昌齡詩

聖德超千古，皇風扇九圍。
天回萬象出，駕動六龍飛。
淑氣來黃道，祥雲覆紫微。
太平多扈從，文物有光輝。

餞中書侍郎來濟

一作太宗詩

曖曖去塵昏，灞岸飛飛輕。
蓋指河梁雲，峯衣結千重。
葉雪岫花開，幾樹粧深悲。
黃鶴孤舟遠，獨對青山別。
路長却將分手，霑襟淚。選用持添離席觴。

奉和春初幸太平公主南莊應制

青門路接鳳凰臺，素滌宸遊龍騎來。
澗草自迎香輦合，巖花應待御筵開。
文移北斗成天象，酒遞一作近南山作壽杯。
此日侍臣將石去，共歡明主賜金回。

三陽宮侍宴應制得幽字

離宮祕苑勝瀛洲，別有仙人洞壑幽。
巖邊樹色含風冷，石上泉聲帶雨秋。
鳥向歌筵來度曲，雲依帳殿結為樓。
微臣昔忝方明御，今日還陪八駿遊。

御定全唐詩卷五十二

欽定四庫全書

御定全唐詩卷五十三

宋之問

奉和晦日幸昆明池應制

春豫靈池會滄波
帳殿開舟凌石鯨
度槎拂斗牛
回節晦
莫金落春遲
柳暗催象溟
看浴景燒劫
辨沈灰
鑄飲周
文樂汾歌
漢武才不愁
明月盡自有
夜珠來

紀事云中宗正

月晦日幸昆明池賦詩羣臣應制百餘篇帳殿前結綵樓命上官昭容選一首為新翻御製曲羣臣悉集其下

須臾紙落如飛唯沈宋二詩不下又移時一紙飛墜乃沈詩也及聞其評曰二詩工力悉敵沈詩落句云微臣雕朽質羞覩豫章材蓋詞氣已竭宋詩云不愁明月盡自有夜珠未猶陡健騫舉沈乃伏不敢復爭

奉和幸大薦福寺

寺即中宗舊宅

香刹中天起宸遊滿路輝乘龍太子去駕象法王歸殿飾金人影窗搖玉女扉稍迷新草木徧識舊庭闈水入禪心定雲從寶思飛欲知皇劫遠初拂六銖衣

奉和幸三會寺應制

傳是倉頡造書臺

六飛回玉輦雙樹謁金仙瑞鳥呈書字神龍吐浴泉淨

心遙證果睿想獨超禪塔湧香花地山圍日月天梵音

迎漏

一作雨

徹空樂倚雲懸今日登仁壽長看法鏡圓

奉和薦福寺應制

梵筵光聖邸遊豫覽宏規不改靈光殿因開功德池蓮

生新步葉桂長昔攀枝湧塔庭

一作花

中見飛樓海上移

聞韶三月幸觀象七星危欲識龍歸處朝朝

一作來

雲氣

隨

奉和幸神皋亭應制

清蹕喧黃道乘輿降紫宸
霜戈起曉日雲管發陽春
臺古全疑漢林餘半識秦
宴酣詩布澤節改令行仁
昔恃山河險今依道德淳
多慙獻嘉頌空累屬車塵

奉和幸長安故城未央宮應制

漢王未息戰蕭相乃營宮
壯麗一朝盡威靈千載空
皇明悵前跡置酒宴羣公
寒輕綵仗外春發幔城中
樂思回斜日歌詞繼大風
今朝天子貴不假叔孫通

奉和幸韋嗣立山莊侍宴應制

一作李
又詩

樞掖調梅暇林園藝槿初入朝榮劔履退食偶

樂一作琴

書地隱東巖室天回北斗車旌門臨窅窳輦道屬扶疎
雲罕明丹壑霜茄徹紫虛水疑投石處溪似釣璫餘帝
澤頒卮酒人歡頌里閭一承黃竹詠長奉白茅居

扈從登封告成頌應制

御路回中嶽天營接下都百靈無後至萬國競前驅文
衛嚴清蹕幽仙讀寶符貝花明漢果芝草入堯厨濟濟
衣冠會喧喧夷夏俱宗裡仰神聖刊木望川途撫已貧

非病時來本不愚願陪丹鳳輦率舞白雲衢

一作凱樂望仙迹

宴安樂公主宅得空字

英藩葉外館愛主出王宮賓至星槎落仙來月宇空
玳梁翻賀燕金埒倚晴虹簫奏秦臺裏書開魯壁中
短歌能駐日豔舞欲嬌風聞有淹留處山阿滿桂叢

春日鄭協律山亭陪宴餞鄭鄉同用樓字

潘園枕郊郭愛客坐相求尊酒東城外驂駢南陌頭
池平分洛水林缺見嵩丘暗竹侵山徑垂楊拂妓樓
彩雲

歌處斷遲日舞前留此地何年別蘭芳空自幽

和姚給事寓直之作

清論滿朝陽高才拜夕郎
還從避馬路來接珥貂行寵
就黃扉日威回白簡霜栢臺
遷鳥茂蘭署得人芳禁靜
鐘初徹更疎漏漸長曉河低
武庫流火度文昌寓直思
徽一作輝重乘秋藻翰揚
暗投空欲報下調不成章

和庫部李員外秋夜寓直之作

相庭貽慶遠才子拜郎初
起草一作儀仙閣焚香卧直

廬更深河欲斷節勁柳偏疎氣取凌雲筆心揺待漏車
叨榮厠儔侶省已慙空虛徒斐陽春和難參麗曲餘

酬李丹徒見贈之作

鎮吳稱奧里試劇仰通才近挹人披霧遙聞境震雷一
朝逢解榻累日共銜杯連轡登山盡浮舟望海回以予
慚拙宦期子遇良媒贈曲南鳧斷征途北鴈催更憐江
上月還入鏡中開

使過襄陽登鳳林寺閣

香閣臨清漢丹梯隱翠微
林篁天際密人世谷中違
苔石銜仙洞蓮舟泊釣磯
山雲浮棟起江雨入庭飛
信美雖南國嚴程限北歸
幽尋不可再留步惜芳菲

宋公宅送寧諫議

宋公爰創宅庾氏更誅茅
間出人三秀平臨楚四郊
漢臣來絳節荆牧動金鐃
尊溢宜城酒笙裁曲沃匏
露荷秋變節風柳夕鳴梢
一散陽臺雨方隨越鳥巢

送合宮蘇明府頌

鉉府誕英規公才天下知謂乘羔鴈族繼入鳳皇池赤
縣求人隱青門起路岐翟回車少別鳧化鳥遥馳神哭
周南境童歌渭北垂賢哉苟奉倩袞職佇來儀

送楊六望赴金水

借問梁山道嶽岑幾萬重遥州刀作字絕壁劒為峯惜
別路窮此留歡意不從憂來生白髮時晚愛青松勿以
西南遠夷歌寢盛容台階有高位寧復久臨邛

下桂江龍目灘

停午出灘險輕舟容易前峯攢入雲樹崖噴落江泉巨
石潛山怪深篁隱洞仙鳥遊溪寂寂猿嘯嶺娟娟揮袂
日凡幾我行途已千暝投蒼梧郡愁枕白雲眠

入隴州江

孤舟泛盈盈江流日縱橫夜雜蛟螭寢晨披瘴癘行潭
蒸水沫起山熱火雲生猿躩時能嘯鳶飛莫敢鳴海窮
南徼盡鄉遠北魂驚泣向文身國悲看鑿齒氓地偏多
育蠱風惡好相鯨余本巖栖客悠哉慕玉京厚恩嘗願

答薄宦不祈成
違隱乖求志
披荒為近名
鏡愁玄髮改
心負紫芝榮
運啟中興歷
時逢外域清
祇應保忠信
延促付神明

始安秋日

桂林風景異
秋似洛陽春
晚霽江天好
分明愁殺人
卷雲山觺觺
碎石水磷磷
世業事黃老
妙年孤隱淪
歸歟卧滄海
何物貴吾身

桂州黃潭舜祠

虞世巡百越相傳葬九疑精靈遊此地祠樹日光輝
禋祭忽羣望丹青圖二妃神來獸率舞仙去鳳還飛
日暝山氣落江空潭靄微帝鄉三萬里乘彼白雲歸

登粵王臺

江上粵王臺登高望幾回南溟天外合北戶日邊開
地濕煙嘗起山晴雨半來冬花採盧橘夏果摘楊梅
跡類虞翻枉人非賈誼才歸心不可見一作度白髮重相催

早發始興江口至虛氏

一作靈長村作

候曉踰閩嶠

一作障

乘春望越臺宿雲鵬際落殘月蚌中

開薜荔搖青氣枕榔翳碧苔桂香多露裛石響細泉回
抱葉玄猿嘯銜花翡翠來南中雖可悅北思日悠哉鬢
髮俄成素丹心已作灰何當首歸路行剪故園萊

發藤州

朝夕苦遠征孤魂長自驚泛舟依鴈渚

一作宿

投館聽猿

鳴石髮緣溪蔓林衣埽

一作拂

地輕雲峰刻不似苔蘚

一作

辟畫難成露裛千花氣泉和萬籟聲攀幽紅處歇躋險

綠中行癡切芝蘭砌悲纏松栢瑩丹心江北死白髮嶺
南生魑魅天邊國窮愁海上城勞歌意無限今日為誰
明

遊稱心寺

釋事懷三隱清襟謁四禪江鳴潮未落林曉日初懸寶
葉交香雨金沙吐細泉望諧舟客趣思發海人煙顧檻
仍留馬乘杯久棄船未憂龜負嶽且識鳥耘田理契都
無象心冥不寄筌安期庶可揖天地得齊年

遊法華寺

高岫擬耆闍真乘引妙車空中結樓殿意表出雲霞後

果纏三足

一作尺

前因感

一作取

六牙宴林薰寶樹水溜滴

金沙寒谷梅猶淺溫庭橘未華臺香紅藥亂塔影綠篁
遮果漸輪王族緣超梵帝家晨行踏忍草夜誦得靈花
江郡將何匹天都亦未加朝來沿泛所應是逐仙槎

夜渡吳松江懷古

宿帆震澤口曉渡松江瀆擢發魚龍氣舟衝鴻鴈羣寒

潮頰覺滿暗浦稍將分氣出一作赤海生日光清湖起雲
水鄉盡天衛歎息為吳君謀士伏劍死至今悲所聞

謁禹廟

夏王乘四載茲地發金符峻命終不易報功疇敢渝先
驅總昌會後至伏靈誅玉帛空天下衣冠照海隅旋聞
厭黃屋更道出蒼梧林表祠轉茂山阿井詎枯舟遷龍
負壑田變鳥芸蕪舊物森如在天威肅未殊玄夷屈瑤
席玉女侍清都奕奕局闡一作闡邃軒軒仗衛趨氣青連

曙海雲白洗春湖猿嘯有時答禽言常自呼靈歆異蒸
精至樂匪笙竽茅殿今文韻梅梁古製無運遙日崇麗
業盛下昭蘇伊昔力云盡而今功尚敷揆材非美箭精
享愧生芻郡職昧為理邦空寧自誣下車霰已積攝事
露行濡人隱冀多祐曷唯霑薄軀

遊禹穴回出若邪

禹穴今朝到邪溪此路通著書聞太史鍊藥有仙翁鶴
往籠猶掛龍飛劍已空石帆揺海上天鏡落湖中水底

寒雲白山邊墜葉紅歸舟何慮晚日暮使樵風

靈隱寺

紀事云之問敗黜放還至江南遊靈隱寺夜月極明長廊行吟曰

驚嶺對峩峩龍宮鎖寂寥久不能續有老僧照長明燈問曰少年夜久不寐何耶之問曰偶欲題此寺而興思不屬即曰何不云樓觀滄海日門對浙江潮之問愕然訝其造麗避明更訪之則不復見寺

僧有知者曰此駭賓王也

驚嶺鬱岩窳龍宮瑣寂寥樓觀滄海日門對浙江潮桂
子月中落天香雲外飄捫蘿登捨遠剝木取泉遙霜薄
花更發水輕葉未凋夙齡尚遐異搜對滌煩囂待入天

台路看余度石橋

遊雲門寺

維舟探靜域作禮事尊經
投跡一蕭散為心自杳冥
龕依大禹穴樓倚少微星
沓嶂圍蘭若回溪抱竹庭
覺花塗砌白甘露洗山青
鴈塔鸞金地虹橋轉翠屏
人天宵現景神鬼晝潛形
理勝常虛寂緣空自感靈
入禪從鶴逸說法有龍聽
劫累終期滅塵躬且未寧
搖搖不安寐待月詠巖扃

早發韶州

炎微行應盡回瞻鄉路遥珠厓天外郡銅柱海南標日

夜清明少春冬霧雨饒身經大火一作山熱顏入瘴江消

觸影含沙怒逢人女一作毒草搖露濃看菌濕風颭一作漾

覺船飄直禦魑將魅寧論鴟與鴞虞翻思報國許靖願

歸朝綠樹秦京道青雲洛水橋故園長在目魂去不須

招

早入清遠峽一作下桂江龍目灘

傳聞峽山好旭日權前沂雨色搖丹嶂泉聲聒翠微兩
巖天作帶萬壑樹披衣秋菊迎霜序春藤礙日輝翳潭
花似織綠嶺竹成圍寂歷環沙浦蔥蘢轉石圻露餘江
未熱風落瘴初稀猿飲排虛上禽驚掠水飛榜童夷唱
合樵女越吟歸良候斯為美邊愁自有違誰言望鄉國
流涕失芳菲

發端州初入西江

問我將何去清晨沂越溪翠微懸宿雨丹壑飲晴霓樹

影捎雲密藤陰覆水低潮回出浦駛洲轉望鄉迷人意
長懷北江行日向西破顏看鵲喜拭淚聽猿啼骨肉初
分愛親朋忽解攜路遙魂欲斷身辱理能齊疇日三山
意于茲萬緒睽金陵有仙館即事尋丹梯

渡漢江

嶺外音書斷經冬復歷春近鄉情更怯不敢問來人

嵩山夜還

家住

一作
在

嵩山下好采舊山薇自省遊泉石何曾不夜

歸

湖中別鑒上人

願與道林近在意逍遙篇自有靈佳寺何用沃洲禪

題鑒上人房二首

落花雙樹積芳草一庭春玩之堪興異一作盡何必見幽

人

晚入應真理經行尚未回房中無俗物林下有青苔

答田徵君

出遊杳何處
遲回伊洛間
歸寢忽成夢
宛在嵩丘山

傷曹娘二首

鳳飛樓伎絕
鸞死鏡臺空
獨憐脂粉氣
猶著舞衣中
河伯憐嬌態
馮夷耍姝妓
寄言遊戲人
莫弄黃河水

河陽

一作傷曹娘

昔日河陽縣
氛氳香氣多
曹娘嬌態盡
春樹不堪過

燕巢軍幕

非關憐翠幕
不是厭朱樓
故來呈燕頷
報道欲封侯

苑中遇雪應制

紫禁仙輿詰旦來青旂遙倚望春臺不知庭霰今朝落
疑是林花昨夜開

送司馬道士遊天台

羽客笙歌此地違離筵數處白雲飛蓬萊闕下長相憶
桐栢山頭去不歸

登逍遙樓

逍遙樓上望鄉關綠水泓澄雲霧間北去衡陽二千里

無因鴈足繫書還

奉和春日玩雪應制

北闕彤雲掩曙霞
東風吹雪舞山家
瓊章定少千人和
銀樹長芳六出花

傷曹娘二首

可憐冥漠去何之
獨立芊茸無見期
君看水上芙蓉色
恰似生前歌舞時

前溪妙舞今應盡
子夜新歌遂不傳
無復綺羅嬌白日

直將珠玉閉黃泉

郡宅中齋

以下集
不載

郡宅枕層嶺春湖繞芳甸雲霓出萬家卧覽皆已徧漁
商汗成雨解色明若練越俗鏡中行夏祠雲表見茲都
信盤鬱英遠常棲眄王子事黃老獨樂恣遊衍謝公念
蒼生同憂感推薦靈越多秀士運濶無由面神理翳青
山風流滿黃卷揆予謬承獎自昔從纓弁瑤水執仙羈
金閨負時選晨趨博望苑夜直明光殿一朝罷臺閣萬

里遠鄉縣風土足慰心
況悅年芳變淮廩竹滋
一作實
沂歌非所羨訟寢歸四明
齡顏親九轉微尚本江海
少留豈交戰唯餘後凋色
竊比東南箭

稱心寺

步陟招提宮北極山海觀
千巖遞紫繞萬壑殊悠漫
喬木轉夕陽文軒劃清渙
泄雲多表裏驚潮每昏旦
問予金門客何事滄洲畔
謬以三署資來刺百城半
人隱尚未弭歲華豈兼玩
東山桂枝芳明發坐盈歎

新年作

鄉心新歲切天畔獨潛然老去居人下春歸在客先
嶺猿同旦暮江柳共風煙已似長沙傅從今又幾年

剪綵

駐想持金錯居然作管灰綺羅織手製桃李向春開
拾藻蜂初泊銜花鳥未回不言將巧笑翻逐美人來

七夕

傳道仙星媛年年會水隅停梭借蟋蟀留巧付蜘蛛去

畫從雲請歸輪
竚日輸莫言相見濶
天上日應殊

桂州陪王都督晦日宴逍遙樓

晦節高樓望山川
一半春意隨萸葉
盡愁共柳條
新投刺登龍日
開懷納鳥晨
兀然心似醉
不覺有吾身

和趙貞外桂陽橋遇佳人

江雨朝飛浥細塵
陽橋花柳不勝春
金鞍白馬來從趙
玉面紅粧本姓秦
妬女猶憐鏡中髮
侍兒堪感路傍人
蕩舟為樂非吾事
自歎空閨夢寐頻

函谷關

首句缺
二字

至人

識仙風瑞靄丹光遠鬱蔥靈跡才辭周柱下
祥氛已入函關中不從紫氣臺端候何得青華觀裏逢
欲訪乘牛求寶錄願隨鶴駕徧瑤空

詠省壁畫鶴

粉壁圖仙鶴昂藏真氣多
騫飛竟不去當是戀恩波

廣州朱長史座觀妓

歌舞須連夜神仙莫放歸
參差隨暮雨前路濕人衣

謁二妃廟

還以金屋貴留茲寶席尊江鳧嘯風雨山鬼泣朝昏

贈嚴侍御

受脤清邊服乘驄歷塞塵當聞漢雪恥羞共虜和親

在荊州重赴嶺南

夢澤三秋日蒼梧一片雲還將鷓鴣羽重入鷓鴣羣

則天皇后挽歌


象物行周禮衣冠集漢都誰憐事虞舜下里泣蒼梧

鄧國太夫人挽歌

驚死鉛妝歇人亡錦字空悲端若能減渭水亦應窮

楊將軍挽歌

亭寒照苦月隴暗積愁雲今日山門樹何處有將軍



御定全唐詩卷五十三

欽定四庫全書

集部

御定全唐詩卷

五十四至
六十一

詳校官庶吉士臣胡鈺

主事銜臣徐以坤覆勘

總校官知縣臣繆

琪

校對官庶吉士臣范

鏊

謄錄監生臣劉

璿

璿

欽定四庫全書

御定全唐詩卷五十四

崔湜

崔湜字澄瀾定州人擢進士第累轉左補闕預修三教珠英附武三思上官昭容由考功員外郎驟遷中書舍人兵部侍郎俄拜中書侍郎檢校吏部侍郎同中書門下平章事為御史劾奏貶江州司馬安樂公主從中申護改襄州刺史韋氏稱制復同中書門下三品睿宗立

出為華州刺史除太子詹事景雲中太平公主引為中書令明皇立流嶺外以常預逆謀追及荊州賜死湜執政時年三十八常暮出端門緩轡賦詩張說見之歎曰文與位固可致其年不可及也詩三十八首

塞垣行

一作崔融詩

疾風卷溟海萬里揚砂礫仰望不見天昏昏竟朝夕是時軍兩進東拒復西敵

一作摘

蔽山張旗鼓間道潛鋒鏑

精騎突曉圍竒兵嚴暗壁十月邊塞寒四山沒陰積雨

雪鴈南飛風塵景西迫昔我事討論未嘗怠經籍一朝
棄筆硯十年操矛戟豈要黃河誓須勒燕然石可嗟牧
羊臣海上久為客

送梁卿王郎中使東蕃弔冊

梁侯上卿秀王子中臺傑贈冊綬九夷旌旃下雙闕西
堂禮樂送南陌軒車別征路入海雲行舟沂江月茲邦
久欽化歷載歸朝謁皇心諒所嘉寄爾宣風烈

餞唐州高使君赴任

芳春桃李時京都

一作東

物華好為岳豈不貴所悲涉遠

道遠道不可思宿昔夢見之贈君雙佩刀日夕視來期

一作有
親期

冀北春望

一作崔
夜詩

回首覽燕趙春生兩河間曠然萬里餘際海不見山雨
歇青林潤煙空綠野閒問鄉何處所目送白雲還

景龍二年余自門下平章事削階授江州員外

司馬尋拜襄州刺史春日赴襄陽途中言志

余本燕趙人秉心愚且直羣籍備所見孤貞每自飭徇
祿期代耕受任亦量力幸逢休明時朝野兩薦推一朝
趨金門十載奉瑤墀入掌遷固筆出參枚馬詞吏部既
三踐中書亦五期進無負鼎說退慙補衮詩常恐嬰悔
吝不得少酬私嗷嗷路旁子納謗紛無已上動明主疑
下貽大臣耻毫髮顧無累冰壺邈自持天道何期平幽
冤終見明始佐廬陵郡尋牧襄陽城彤幃荷新寵朱黻
蒙舊榮力薄慚任重恩深知命輕飭徒留前路行子悲

且慕猶聞長樂鐘尚辨青門樹慈親不忍訣昆弟默相
顧去去勿重陳川長日云暮

大漠行

一作胡
皓詩

單于犯薊堞驃騎略蕭邊南山木葉飛下地北海蓬根
亂上天科斗連營太原道魚麗合陣武威川三軍遥倚
仗萬里相馳逐旌旆悠悠靜瀚源鼙鼓喧喧動盧谷窮
徼上幽陵吁嗟倦寢興馬蹄凍溜石胡毳暖生冰雲沙
決漭天光閉河塞陰沈海色凝崆峒異國誰能托蕭索

邊心常不樂近見行人畏白龍遙聞公主愁黃鶴陽春
半岐路間瑤臺苑玉門關百花芳樹紅將歇二月蘭皋
綠未還陣雲不散魚龍水雨雪猶飛鴻鴈山山嶂連綿
不可極路遠辛勤夢顏色北堂萱草不寄來東園桃李
長相憶漢將紛紜攻戰盈胡寇蕭條幽朔清韓君拜節
偏知遠鄭吉驅旌坐見迎火絕煙沈右西極谷靜山空
左北平但使將軍能百戰不須天子築長城

奉和登驪山高頂寓目應制

名山何壯哉玄覽一徘徊御路穿林轉旌門倚石開煙霞肘後發河塞掌中來不學蓬壺遠經年猶未迴

侍宴長寧公主東莊應制

沁園東郭外鸞駕一遊盤水榭宜時陟山樓向晚看席臨天女貴杯接近臣歡聖藻懸宸象徵臣竊仰觀

奉和送金城公主適西蕃應制

懷戎前策備降女舊因修簫鼓辭家怨旌旃出塞愁尚孩中念切方遠御慈留一作流顧乏謀臣用仍勞聖主憂

幸白鹿觀應制

一作鄭
惜詩

御旗探紫籙仙仗闕丹丘
捧藥芝童下焚香桂女留鸞
歌無歲月鶴語記春秋
臣朔真何幸常陪漢武遊

幸梨園亭觀打毬應制

一作梨園亭
子侍宴應制

年光陌上發香輦禁中遊
草綠鴛鴦殿花明翡翠樓
寶一作杯承露酌仙管雜風流
今日陪歡豫皇恩不可酬

慈恩寺九日應制

帝里重陽節香園萬乘來
却邪萸結佩獻壽菊傳杯
塔

類承天湧門疑待佛開睿詞懸日月長得仰昭回

折楊柳

二月風光半三邊戍不還年華妾自惜楊柳為君攀落

絮縈

一作綠

衫袖垂條拂髻鬟那堪音信斷流涕望陽關

邊愁

九月蓬根斷三邊草葉腓風塵馬變色霜雪劍生衣客
思愁陰晚邊書驛騎歸殷勤鳳樓上還袂及春暉

婕妤怨

不分君恩斷新妝視鏡中容華尚一作向春日嬌愛已一作

似秋風枕席臨窗一作燈曉帷屏一作屏帷向月空年年

後庭樹榮落在深宮

酬杜麟臺春思

春還上林苑花滿洛陽城鴛衾夜凝思龍鏡曉含情憶
夢殘燈落離魂暗馬驚可憐朝與暮樓上獨盈盈

寄天台司馬先生

聞有三元客祈仙九轉成人間白雲返天上赤龍迎尚

惜金芝晚仍攀琪樹榮何年緱嶺上一謝洛陽城

唐都尉山池

曲渚颺輕舟前谿釣晚流鴈翻蒲葉起魚撥荇花遊金
子懸湘袖珠房折海榴幽尋惜未已清月半西樓

江樓夕望

試陟江樓望悠悠去國情楚山霞外斷漢水月中平公
子留遺邑夫人有舊城蒼蒼煙霧裏何處是咸京

襄城即事

一作江樓有懷

子牟懷魏闕元凱滯襄城冠蓋仍為里池臺尚識名山
光晴後綠江色晚來清為問東流水何時到玉京

秦州薛都督挽詞

十里絳山幽千年汾水流碑傳門客見劍是故人留隴
樹煙含夕山門月照秋古來鐘鼎盛共盡一蒿丘

奉和春日幸望春宮

一作立春內
出綵花應制

澹蕩春光滿曉空逍遙御輦入離宮山河眺望雲天外
臺榭參差煙霧中庭際花飛錦繡合枝間鳥嘯一作管

弦同即此歡娛齊鎬宴惟應率舞

一作土

樂薰風

奉和幸韋嗣立山莊侍宴應制

丞相登前府尚書啟舊林式問明主睿

一作意

榮族聖嬪

心川狹旌門抵巖高蔽帳臨閒窗憑柳暗小徑入松深
雲卷千峰色泉和萬籟吟蘭迎天女佩竹礙侍臣簪宸
翰三光燭朝榮四海欽還嗟絕機叟白首漢川陰

同李員外春閨

一作園

落日啼連夜孤燈坐徹明捲簾雙燕入披幌百花驚隴

上寒應晚閨中織未成管弦愁不意一作梳洗懶無情
去歲聞西伐今年送北征容顏離別盡流恨滿長城

襄陽早秋寄岑侍郎

江城秋氣早旭旦坐南闌落葉驚衰鬢清霜換旅衣時
來矜早達事往覺前非體道徒推理防身終昧微故人
金華省肅穆秉天機誰念江漢廣蹉跎心事違

贈蘇少府赴任江南余時還京

丈夫不歎別達士自安卑攬泣固無趣銜杯空爾為流

雲春窈窕去水暮逶迤行舟忽東泛歸騎亦西馳秦地
多芳草江潭有桂枝誰言阻遐濶所貴在相知

登總持寺閣

宿雨清龍界晨暉滿鳳城升攀重閣迴憑覽四郊明井
邑周秦地山河今古情紆餘一水合寥落五陵平處處
風煙起欣欣草木榮故人不可見冠蓋滿東京

早春邊城懷歸

大漠羽書飛長城未解圍山川凌玉嶂旌節下金微路

向南庭遠書因北鴈稀鄉關搖別思風雪散戎衣歲盡
仍為客春還尚未歸明年征騎返歌舞及芳菲

至桃林塞作

去國未千里離家已再旬丹心恒戀闕白首更辭親懷
璧常貽訓捐金詎得鄰抱冤非忤物罹謗豈由人不濫
辭終辨無瑕理竟伸散還中省舊符與外臺新塞上同
遷客江潭異逐臣淚垂非屬峴腸斷固由秦歲月行道
盡山川難重陳始知亭伯去還是拙謀身

襄陽作

廟堂初解印，郡邸忽腰章。
按節巡河右，鳴騶入漢陽。
城臨南岘出，樹繞北津長。
好學風猶扇，誇才俗未忘。
江山跨七澤，煙雨接三湘。
蛟浦菱荷淨，漁舟橘柚香。
醉中求習氏，夢裏憶襄王。
宅壞仍思鳳，碑存更憶羊。
下車慙政美，閉閣幸時康。
多謝南征術，于今尚不亡。

喜入長安

雲日能催曉，風光不惜年。
賴逢征客

路一作

盡歸在落花

前

奉和幸韋嗣立山莊應制

竹徑桃源本出塵
松軒茅棟別驚新
御蹕何須林下駐
山公不是俗中人

崔液

崔液字潤甫湜之弟
工五言詩擢進士第一人
湜常呼其小字曰海子
我家龜龍也官至殿中侍御史
友人裴耀卿纂其遺文為集
十卷今存詩十二首

踏歌詞二首

綵女迎金屋仙姬出畫堂
鴛鴦裁錦袖翡翠貼花黃
歌響舞分行豔色動流光

庭際花微落樓前漢已橫
金臺催夜盡羅袖拂一作舞寒
輕樂笑暢歡情未半著天明

代春閨

江南日暖鴻始來柳條初碧葉半開
玉闌遙遙戍未迴
金閨日夕生綠苔寂寂春花煙色暮
簷燕雙雙落花度

青樓明鏡晝無光
紅帳羅衣徒自香
妾恨十年長獨守

君情

一作憐

萬里在漁陽

上元夜六首

一作夜遊詩

玉漏銀

一作銅

壺且莫催鐵闌金鎖徹
明開誰家見月能

閒坐何處聞

一作逢

燈不看來

神燈佛火百輪張
刻像圖形七寶裝
影裏如聞

一作開

金

口說空中似散

一作放

玉毫光

今年春色勝常年
此夜風光最可憐
鳩鵲樓前新月滿

鳳皇臺上寶燈燃

金勒銀鞍控紫騮
玉輪珠幃駕青牛
驂驛始散東城曲
倏忽還來南陌頭

公子王孫意氣驕
不論相識也相邀
最憐長袖風前弱
更賞新弦暗裏調

星移漢轉月將微
露灑煙飄燈漸稀
猶惜路一作道傍歌
舞處躑躅相顧不能歸

冀北春望

一作崔湜詩

迴首覽燕趙春生兩河間曠然餘萬里際海不見山
雨歇青林潤煙空綠野閒問鄉無處所目送白雲關

擬古神女宛轉歌二首

一作郎
大家詩

風已清月朗琴復明掩抑悲千態殷勤是一聲
宛轉且一作長願為雙鴻鵠比翼共翱翔

日已暮長簷鳥應度此時望君君不來此時思君君不
顧歌宛轉宛轉那能異棲宿願為形與影出入恒相逐

崔滌

崔滌液之弟多辯智善諧諛明皇素與款密用為祕書
監出入禁中後賜名澄從東封加金紫光祿大夫存詩
一首

望韓公堆

韓公堆上望秦川渺渺關山西接連孤客一身千里外
未知歸日是何年

御定全唐詩卷五十四

欽定四庫全書

御定全唐詩卷五十五

王勃

王勃字子安絳州龍門人文中子通之孫六歲善文辭
未冠應舉及第授朝散郎數獻頌闕下沛王聞其名召
署府修撰是時諸王鬪雞勃戲為文檄英王雞高宗斥
之勃既廢客劍南久之補虢州叅軍坐事復除名勃父
福時坐勃故左遷交趾令勃往交趾省父渡海溺水悸

而卒年二十八勃好讀書屬文初不精思先磨墨數升引被覆面而卧忽起書之不易一字時人謂之腹藁與楊炯盧照隣駱賓王皆以文章齊名天下稱王楊盧駱號四傑勃有集三十卷今編詩二卷

倬彼我系

倬彼我系舍弟號州叅軍勃所作也傷迫乎家貧道未成而受祿不得如古之君子四十強而仕也故本其情性原其事業因陳先人之迹以議出處

致天爵之艱難也

勅兄
勵序

倬彼我系出自有周分疆錫社派別支流居衛仕宋臣

一作
匡 嬴相劉廼武廼文或公或侯

晉歷崩坼衣冠擾弊粵自太原播徂江澨禮喪賢隱時
屯道閉王室如燬生人多殫

伊我有器思逢其主自東施一作旋西擇木開宇田彼河

曲家乎汾浦天未厭亂吾將誰輔

伊我祖德思濟九埏不常厥所于茲五遷欲及時也夫

豈願焉其位雖屈其言則傳

爰述帝制大蒐王道曰天曰人是祖是考禮樂咸若詩
書具草貽厥孫謀永為家寶

伊余小子信慙明哲彼網有條彼車有轍思屏人事克
終前烈于嗟代網卒余來綯

來綯伊何謂余曰仕我瞻先達三十方起夫豈不懷高
山仰止願言毓德啜菽飲水

有鳥反哺其聲嗷嗷言念舊德憂心忉忉今我不養歲

月其滔僂從役豈敢告勞

從役伊何薄求卑位告勞伊何來叅脚事名存實與負
信愆義靜言遐思中心是愧

上巳浮江宴韻得陟字

披觀玉京路駐賞金臺陟逸興懷九仙良辰傾四美松
唵白雲際桂馥青溪裏別有江海一作漢心日暮情何已

春日宴樂遊園賦韻得接字

帝里寒光盡神臯春望泱梅郊落晚英柳甸驚初葉流

水抽竒弄崩雲灑芳牒清尊湛不空暫喜平生接

山亭夜宴

桂宇幽襟積山亭

一作松臺

涼夜水森沈野徑寒肅穆巖扉

靜竹晦南汀

一作阿

色荷翻北潭影清興殊未闌林端照

初景

詠風

蕭蕭涼景

一作風

生加我林壑清驅煙尋

一作入

磴戶卷霧

一作露

出山楹去來固無跡

一作際

動息如有情日落山水

靜為君起松聲

懷仙 并序

客有自幽山來者起予以林壑之事而煙霞在焉
思解纓紱永詠山水

一作林

神與道超跡為形滯故

書其事焉

鶴岑有奇徑麟洲富仙家紫泉漱珠液玄巖列丹葩常

希

一作若

披塵網眇然登雲車驚情極霄漢鳳想疲煙霞

道存蓬瀛近意愜朝市賒無為坐惆悵虛此江上華

忽夢遊仙

僕本江上客牽跡在方內寤寐霄漢間居然有靈對翕
爾登霞首依然躡雲背電策驅龍光煙途儼鸞態乘月
披金帔連星解瓊珮浮識俄易歸真遊邈難一作魂莫再寥
廓沈遐想周遑奉遺誨流俗非我鄉何當釋塵昧

雜曲

智瓊神女來訪文君蛾眉始約羅袖初薰歌齊曲韻舞
亂行紛若向陽臺薦枕何啻得勝朝雲

秋夜長

秋夜長殊未央月明白露澄清光層城綺閣遙相望遙

相望川無梁北風受節南鴈翔崇蘭委質時菊芳鳴環

曳履

一作佩

出長廊為君秋夜擣衣裳纖羅對鳳皇丹綺

雙鴛鴦調砧亂杵思自傷思自傷征夫萬里戍他鄉鶴

關音信斷龍門道路長君

一作所

在天一方寒衣徒自香

採蓮曲

樂府作採蓮歸

採蓮歸綠水芙蓉衣秋風起浪鳧鴈飛桂檣蘭橈下長

浦羅裙玉腕輕搖櫓葉嶼花潭極望平江謳越吹相思
苦相思苦佳期不可駐塞外征夫猶未還江南採蓮今

已暮今已暮採

樂府詩
作摘

蓮花渠今

一作
今渠

那必盡娼家官

道城南把桑葉何如江上採蓮花蓮花復蓮花花葉何

稠

一作
重

疊葉翠本羞眉花紅強如頰佳人不在茲

一作
茲期

悵望別離時牽花憐共蒂折藕愛連絲故情無

一作
何處

所新物從

一作
徒

華滋不惜西

一作
南

津交佩解還羞北海

鴈書遲採蓮歌有節採蓮夜未歇正逢浩蕩江上風又

值裴回

樂府詩集無裴回二字

江上月裴回蓮浦夜相逢吳姬越

女何丰茸共問寒江

一作光

千里外征客關山路

一作更幾

重

臨高臺

臨高臺高臺迢帶絕浮埃
瑶軒綺構何崔嵬
鸞歌鳳吹清且哀
俯瞰長安道
萋萋御溝草
斜對甘泉路
蒼蒼茂陵樹
高臺四望同帝鄉

一本無此二字

佳氣鬱葱葱紫閣丹樓

紛照耀
璧房錦殿相玲瓏
東彌長樂觀
西指未央宮
赤

城映朝日綠樹搖春風旗亭百隧開新市甲第千甍分
戚里朱輪翠蓋不勝春夢樹層楹相對起復有青樓大

道中繡戶文窗雕綺攏錦衾夜

一作畫

不裊羅帷畫

一作夕

未空歌屏朝揜翠妝鏡晚窺紅為君

一作吾

安寶鬢蛾眉

罷花叢塵間狹路

一作狹路塵間

黯將暮雲間

一作開

月色明如

素鴛鴦池上兩兩飛鳳凰樓下雙雙度物色正如此佳

期那不顧銀鞍繡轂盛繁華可憐今夜宿娼家娼家少

婦不須顰東園桃李片時春君看舊日高臺處栢梁銅

雀生一作尚黃塵

滕王閣

滕王高閣臨江渚，珮玉鳴鸞罷歌舞。
畫棟朝飛南浦雲，珠簾暮捲西山雨。
閒雲潭影日悠悠，物換星移幾度秋。
閣中帝子今何在，檻外長江空自流。

江南弄

江南弄，巫山連楚夢，行雨行雲幾相送。
瑤軒金谷上春時，玉童仙女無見期。
紫露一作霧香煙渺難託，清風明月

遥相思
遥相思
草徒綠
為聽雙
飛鳳凰
曲

御定全唐詩卷五十五